

Broj: 43-04-6-20887-4

Datum: 13-07-2026

Na osnovu člana 64. stav 1. tačka a), člana 25., člana 70. stavovi 1., 3. i 6. Zakona o javnim nabavkama (Sl. Glasnik BiH 39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), člana 48. Statuta KCUS-a (Sl. novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (br. 65-04-2-4654), na temelju Izvješća o radu i Preporuke Komisije za nabavku broj: 55-11-3-20887-3 od 07.07.2026. godine, u postupku javne nabavke, Generalni direktor donosi:

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 55-11-3-20887-3 od 07.07.2026. godine, Okvirni sporazum za javnu nabavku „Usluge nabavke servisiranja i održavanja sistema tehničke zaštite (protuprovalni sistem, videonadzor, kontrola pristupa i evidencija radnog vremena)” dodjeljuje se ponuđaču **DSC d.o.o Sarajevo**, broj ponude: 036/26 od 21.06.2026. godine. Okvirni sporazum se zaključuje na iznos procijenjene vrijednosti javne nabavke, na iznos od 100.000,00 KM bez PDV-a, (cijeneći uvjete iz tenderske dokumentacije), a u skladu sa datim jediničnim cijenama u ponudi, te Aneksu 3 - tehničke specifikacije.

Član 2.

Izabrani ponuđač se oslobađa dostavljanja dokaza po članu 45. Zakona o javnim nabavkama (lična sposobnost) obzirom da je iste dostavio u sastavu svoje ponude.

Član 3.

Prijedlog Okvirnog sporazuma dostaviti će se na potpis izabranom ponuđaču po pravosnažnosti ove Odluke.

Član 4.

Ova Odluka objaviće se na internet stranici ugovornog organa, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka se dostavlja svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 73-11-3-16343-2 od 26.05.2026. godine. Javna nabavka je sprovedena putem otvorenog postupka. Procijenjena vrijednost javne nabavke bez PDV-a je 100.000,00 KM bez PDV-a. Obavještenje o nabavci broj: 893-1-2-237-3-673/26 od 29.05.2026.godine.

Komisija za nabavku, imenovana je Odlukom broj: 73-11-3-20629 od 18.06.2026.godine. Komisija za javnu nabavku dostavila je Ugovornom organu Zapisnik o pregledu i ocjeni ponuda 55-11-3-20887-2 od 29.06.2026.godine, kao i Preporuku o izboru najpovoljnijeg ponuđača zajedno sa Izvještajem o radu broj: 55-11-3-20887-3 od 07.07.2026. godine u postupku javne nabavke „Usluge nabavke servisiranja i održavanja sistema tehničke zaštite (protuprovalni sistem, videonadzor, kontrola pristupa i evidencija radnog vremena)“.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku zaprimljene 2 ponude,
- da su blagovremeno zaprimljene 2 ponude,
- da nije bilo neblagovremeno zaprimljenih ponuda.

Zaprimljene su ponude sljedećih ponuđača: **1) DSC d.o.o Sarajevo i 2) SEC ONE d.o.o Sarajevo**, od kojih je ponuda ponuđača **DSC d.o.o Sarajevo** prihvatljiva, a ponuda ponuđača **SEC ONE d.o.o Sarajevo** neprihvatljiva i nepravilna.

SEC ONE d.o.o Sarajevo: Ponuđač SEC ONE d.o.o. Sarajevo **nije preuzeo tendersku dokumentaciju sa Portala javnih nabavki**, sistemu gdje se ista i objavljuje obavezno od strane Ugovornog organa. Ponuđači su obavezni preuzimati tendersku dokumentaciju sa Portala javnih nabavki. Ponuđač SEC ONE d.o.o. Sarajevo nije istu preuzeo sa Portala javnih nabavki, te se istom kroz sistem e-Nabavke ne može niti dodijeliti Okvirni sporazuma/Ugovor u slučaju eventualne dodjele, **obzirom da se istoimeni ponuđač ne nalazi na listi ponuđača koji su preuzeli tendersku dokumentaciju na izvještaju o preuzetim tenderskim dokumentacijama sa Portala javnih nabavki**. Uputstvom o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki Sl. Glasnik BiH broj: 80/22), tačnije članom 8. stav (1) istog propisano je da “Ugovorni organ objavljuje tendersku dokumentaciju na Portalu. Novčana naknada za tendersku dokumentaciju se ne može zahtijevati”. Osim toga, članom 9. stav (1) istog Uputstva decidno je propisano da “Korisnik Portala iz člana 2. stav (1) tačka b) ovog uputstva preuzima tendersku dokumentaciju sa Portala” – a to je privredni subjekat iz člana 2. stav (1) tačka c) Zakona.

Nadalje, nije dostavljen važeći dokaz izdat od strane proizvođača ili ovlaštenog distributera u vidu potvrde/izjave/pisma da je ponuđač ovlašten za održavanje i servisiranje opreme Paradox, Hikvision, Dahua, Jantar Black Line i Jantar Slim Line za područje Bosne i Hercegovine.

Sljedeći uslov propisan tenderskom dokumentacijom koji ponuđač Agencija za zaštitu ljudi i imovine SEC ONE d.o.o. nije ispunio odnosi se na činjenicu da u ponudi nije dostavljen dokaz, izdat od strane proizvođača u vidu potvrde/izjave/pisma proizvođača ili ovlaštenog distributera, da ponuđač raspolaže sa minimalno 3 (tri) uposlenika ili lica angažovana po ugovoru o djelu, certificirana od strane proizvođača za instalaciju, programiranje i rad sa opremom Paradox, Hikvision, Dahua, Jantar Black Line i Jantar Slim Line.

Daljim pregledom ponude ponuđača Agencije za zaštitu ljudi i imovine SEC ONE d.o.o. utvrđeno je da ponuđač ne ispunjava minimalne uslove u pogledu tehničke i profesionalne sposobnosti propisane tačkom 4.3.1.1b. tenderske dokumentacije obzirom da ponuđač nije dostavio dokaz da će na raspolaganju imati minimalno 2 (dva) angažovana lica koja posjeduju sertifikat da su obučeni za rad sa softverom za integraciju sistema tehničke zaštite ABSistemDCI. Kao dokaz da će takva lica biti na raspolaganju ponuđaču može se dostaviti: Ugovor o radu, Ugovor o djelu, Ugovor o raspolaganju, Ugovor o angažovanju ili neki drugi dokaz iz kojeg se nedvosmisleno i jasno može ustanoviti da će navedena lica biti angažovana i na raspolaganju tokom čitave realizacije Okvirnog sporazuma ponuđaču.

Pregledom ponude ponuđača Agencije za zaštitu ljudi i imovine SEC ONE d.o.o. utvrđeno je da ponuđač nije dostavio ni sertifikat za rad sa softverom za integraciju sistema tehničke zaštite ABSistemDCI, koji glasi na ime i prezime navedenih/angažovanih lica.

Nastavkom pregleda ponude ponuđača Agencije za zaštitu ljudi i imovine SEC ONE d.o.o. utvrđeno je da ponuđač na stranici 85. daje izjavu pod punom materijalnom i krivičnom odgovornošću da Agencija za zaštitu ljudi i imovine SEC ONE d.o.o. raspolaže stručnim kadrom potrebnim za izvršenje ugovora koji je predmet postupka javne nabavke i da ponuđač u prilogu navedene izjave dostavlja ovjerene kopije sertifikata tehničke zaštite za angažovana stručna lica kao i ovjerene kopije ugovora o radu za angažovana lica.

Uvidom u ponudu na stranici 93. komisija zaključuje da je priložen certifikat za obavljanje poslova fizičke zaštite za Dinu Omerhodžića, dok je na stranici 121. ponude priložen Ugovor o radu za Dinu Omerhodžića, gdje je u članu 1. stav 1. istog Ugovora navedeno da će isti obavljati poslove radnog mjesta Samostalni tehničar a u stavu 2. pod opisom poslova:

- Realizuje poslove tehničke zaštite u skladu sa radnim nalogom
- Programira i pušta u rad sve ugrađene sisteme tehničke zaštite
- Montira opremu sistema tehničke zaštite te je odgovoran ispred Agencije za tehničku ispravnost ugrađenih elemenata kao i za sam kvalitet radova.

Prema Zakonu o agencijama i unutrašnjim službama za zaštitu ljudi i imovine, poslove tehničke zaštite mogu obavljati isključivo lica koja posjeduju važeći certifikat za obavljanje poslova tehničke zaštite. Dakle, zakonski je propisano da se ovi poslovi povjeravaju samo stručno osposobljenim i ovlaštenim pojedincima koji ispunjavaju tačno određene uslove.

Angažovanje gore navedenog lica na traženim poslovima tehničke zaštite, dovelo bi do ozbiljnog kršenja Zakona o agencijama i unutrašnjim službama za zaštitu ljudi i imovine kao i prateće Uredbe o poslovima tehničke zaštite, a samim tim i materijalnih posljedica u vidu predviđenih novčanih kazni za Agenciju koja je angažovala jednog takvog pojedinca ali i za samog investitora, odnosno ugovornog organa.

Cijeneći sve prethodno navedeno i detaljno obrazloženo, ponuda ponuđača Agencije za zaštitu ljudi imovine SEC ONE d.o.o., sa sjedištem u ulici Bačići 3, 71000 Sarajevo, Ponuda broj: 2807/26 od 19.06.2026 godine sa ponudnom cijenom u iznosu od 80.935,30 KM bez PDV-a je NEPOTPUNA I NEKVALIFIKOVANA za dalji tok nabavke, te se ista ODBACUJE kao neprihvatljiva i nepravilna.

Predmetni ponuđač se nije pridržavao uslova koji su propisani tenderskom dokumentacijom - Član 57. stav (1) ZJN "U postupku javne nabavke kandidat/ponuđač se pridržava zahtjeva i uslova iz tenderske dokumentacije", za razliku od drugog ponuđača koji je tražene dokaze dostavio kako je bilo propisano tenderskom dokumentacijom. Cijeneći opšte principe, kao i jednako i pravično postupanje prema svim ponuđačima koji su dostavili svoje ponude, ponuda predmetnog ponuđača se ocjenjuje kao neprihvatljiva i nepravilna, te se odbacuje u skladu sa članom 68. stav (4) tačke i) i j) Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24).

Ponuda ponuđača DSC d.o.o Sarajevo je kvalifikovana, prihvatljiva i izabrana kao najpovoljnija. Dostavljeni su svi traženi dokazi propisani tenderskom dokumentacijom, na propisan način. U predmetnom postupku javne nabavke bilo je propisano održavanje E-aukcije, međutim, ista nije zakazana obzirom da je u predmetnom postupku zaprimljena samo jedna prihvatljiva ponuda (član 4. stav (2) Pravilnika o uslovima i načinu korištenja e-aukcije „Službeni glasnik BiH, broj 80/23“) koji glasi „U slučaju prijema jedne prihvatljive ponude e-Aukcija se ne zakazuje“.

Cijeneći da je jedinu prihvatljivu ponudu podnio ponuđač **DSC d.o.o Sarajevo**, isti je i odabran kao najpovoljniji ponuđač. U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, Generalni direktor nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog: **tehnički i formalno-pravno ispravno dostavljene ponude u okviru procijenjene vrijednosti javne nabavke.**

- Naziv ponuđača čija je ponuda ocijenjena kao najpovoljnija:


DSC d.o.o Sarajevo.

Iz navedenih razloga, primjenom člana 64. stav 1. tačka a) Zakona o javnim nabavkama, člana 25., člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23) odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, ili preporučenom poštanskom pošiljkom.

Generalni direktor



Prim.doc.dr.sci.med. Alen Pilav

Dostaviti:

- Ponuđačima;
- Služba za javne nabavke,
- a/a.